

К ОПУБЛИКОВАНИЮ

КОМИ РЕСПУБЛИКАСА ВЕСЬКӨДЛАН КОТЫРЛӨН ШУӨМ

Закупкаяс юкөнын Коми Республикаса канму юөртан система йылысь

«Коми Республикаса канму юөртан системаяс йылысь» Коми Республикаса Оланпас серти Коми Республикаса Вєськөдлан котыр шуис:

1. Лөсьөдны закупкаяс юкөнын Коми Республикаса канму юөртан система (водзö – Система).

2. Вынсьөдны закупкаяс юкөнын Коми Республикаса канму юөртан система йылысь положениесö содтöд серти.

3. Индыны:

1) Коми Республикаса ньöбасьöм нуöдан комитетсö Системаса операторöн, кодi функциональнöя администриуйтö, котыртöм да методология боксянь могмөдö Система öнъяөдöмсö (сöвмөдöмсö), сийöс пыртöмсö да сыөн вöдитчöмсö (водзö – Системаса оператор);

2) «Юөртан технология шöрин» Коми Республикаса канму ашшөрлуна учреждениесö Системаса технической операторöн, кодi кывкутö Система уджөдöмын технической отсөг сетöмысь (водзö – Системаса технической оператор).

4. Системаса технической операторлы могмөдны юөр дорьян корöмьяс серти Система аттестуйтан мероприятиеяс збыльмөдöмсö, кутшöмьясöс урчитöма юөр, юөртан технологияс йылысь да юөр дорйöм йылысь Россия Федерацияса оланпастэчасөн, 2023 вося кöч тöлысь 29 лунöдз кадколастö.

5. Системаса операторлы:

1) пыртны Системасö промышленнöя уджөдöмö тайö шуöмлөн 3 пунктын индöм мероприятиеяс помасьöм бöрын 10 уджалан лунысь оз сёрджык кадколастö;

2) могмөдны Системасö Коми Республикаса канму юөртан системаяслөн реестрын пасйöмсö тайö шуöмсö примитан лунсянь 30 лун чöжөн;

3) видзöдны Системаөн вöдитчöм бöрся.

6. Урчитны, мый Система лөсьöдан мероприятиеяссö сьöмөн могмөдöны «Юöra йöзкотыр» Коми Республикалөн канму уджтасса мероприятиеяс збыльмөдöмсö сьöмөн могмөдöм вылö урчитöм сьöм мындаын, мый вынсьөдöма Коми Республикаса Вєськөдлан котырлөн 2019 во йирым тöлысь 29 лунся 507 №-а шуöмөн.

7. Коми Республикаса олөмö пöртясь власьт системаын органьяслы збыльмөдны ассыныс уджмогьяссö закупкаяс юкөнын Системаөн вöдитчöмөн.

8. Вöзйыны Коми Республикаын меставывса авеськöдлан органъяслы да муниципальной учреждениеслы збыльмöдны закупкаяс юкöнын уджмогъяссö «Канму да муниципальной могъяс вылö вузöс, уджъяс, услугае нбöбан юкöнын контрактнöй система йылысь» Федеральнöй оланпас да мукöд нормативнöй инöда акт серти Системаөн вöдитчöмөн.

9. Тайö шуöмсö олöмö пöртöм бöрся видзöдны Коми Республикаса Веськöдлан котырөн Юрнуöдысьöс вежысьлы, кодi кывкутана могъяс юклöм серти координируйтö Коми Республикалөн могъяс вылö закупкаяс юкöнын канму политика збыльмöдан, на бöрся мониторинг котыртан, закупкаяс юкöнын контрактнöй система ладмöдан юалöмъяс серти Коми Республикаса олöмö пöртысь власьт органъяслысь уджсö.

10. Тайö шуöмыс вынсялö сийöс официальнöя йöзöдан лунсянь.

Коми Республикаса Воськöдлан котырөн
Юрнуöдысьöс Медводдза вежысь

Э. Ахмеева

Сыктывкар
2022 вося йирым тöлысь 5 лун
500 №

ВЫНСЬӨДӨМА
Коми Республикаса Веськөдлан котырлөн
2022 во йирым тöлысь 5 лунся 500 №-а шуомөн
(содтöд)

Закупкаяс юкöнын
Коми Республикаса канму юöртан система йылысь
ПОЛОЖЕНИЕ

1. Панас

1. Тайö Положениеыс индö закупкаяс юкöнын Коми Республикаса канму юöртан системалысь медшöр могъяссö, шöр могъяссö да тэчассö (водзö – Система), сэтчö пырöдчысьяссö, Системаö пырысь тöдмөгъясөн вöдитчыны позянлун сетан пöрадоксö.

2. Тайö Положениеын вöдитчан кыввежöртасъясөн вöдитчöны вежöртасъясын, кутшöмъясöс индöма «Юöр, юöртан технологияс йылысь да юöр дорйöм йылысь» Федеральнöй оланпасын.

3. Система лöсьöдан медшöр могөн лоö канму да муниципальной закупкаясөн веськөдлöмсö бурмöдöм, канму да муниципальной закупкаяс йöзöдöмсö планируйтöм, координируйтöм да сы бöрся контроль нуöдöмсö автоматизируйтöм, Коми Республикалөн могъяс вылö вузöс, уджъяс, услугаяс ньöбан юкöнын мониторинг да аудит, «Канму да муниципальной могъяс вылö вузöс, уджъяс, услугаяс ньöбан юкöнын контрактнöй система йылысь» Федеральнöй оланпас серти контрактъяс йылысь тöдмөгъяс дасътöм (водзö – 44-ФЗ №-а Оланпас), Россия Федерациялөн оланпастэчасö да закупкаяс юкöнын контрактнöй система йылысь мукöд нормативнöй инöда актö кутчысьöм бöрся контроль нуöдöм:

1) закупкаяслысь ногтуй (окталун да бöртаслун) кыпöдöмсö могмöдöм отсöгөн;

2) закупкаяс планируйтан да збыльмöдан юкöнын системнöя удж нуöдöмсö могмöдöм отсöгөн;

3) юöртан технологиясөн вöдитчан подув вылын вузöс, уджъяс, услугаяс ньöбöмөн öтув веськөдлöмсö бурмöдöм отсöгөн;

4) закупкаяс мониторингöм, закупкаяс юкöнын заказчикъясöс, контроль нуöдысь органъяссö рейтингуйтöм да закупкаяс нуöдан медшöр могъясöдз воöдчöм донъялöмсö автоматизируйтан юкöнын 44-ФЗ №-а Оланпаслысь Положениеяс збыльмöдöмсö могмöдöм отсöгөн.

4. Системаö пырысь юöр кутысьён лоö Коми Республика. Системаö пыртöм юöр кутысьлысь инöда могъяссö Коми Республика нимсянь сетöма Коми Республикаса олöмö пöртысь власът органлы – Коми Республикаса ньöбасъём нуöдан комитетлы, кодö «Коми Республикаса ньöбасъём нуöдан комитет йылысь» Коми Республикаса Веськөдлан котырлөн 2020 во вöльгым тöлысь 5 лунся 545 №-а шуом серти ладмöдö Коми Республикалөн канму могъяс вылö вузöс, уджъяс, услугаяс ньöбан юкöнын

контрактной системасö, тайö юкöнын координируйтö министерствояслысь да Коми Республикаса мукöд олöмö пöртысь власьт органлысь уджсö.

2. Системалöн шöр могъяс да сылöн тэчас

5. Система могмöдö татшöм могъяс автоматизируйтöмсö:

1) Коми Республикаса заказчикъяслысь, кодъяс збыльмöдöны закупкаяс серти уджсö 44-ФЗ №-а Оланпас серти, реестр пыртöм да нуöдöм;

2) 44-ФЗ №-а Оланпас серти быд заказчиклы вузöсын, уджъясын, услугаысын коланлунъяс лöсьöдöм, примитöм да обработайтöм, закупкаяслöн планъяс-графикъяс, планъяс-графикъяс серти позицияс лöсьöдöм;

3) заказчикъясöн уполномочитöм органö, учреждениеö 44-ФЗ №-а Оланпас серти закупка вылö заявкаяс лöсьöдöм, ыстöм, татшöм органöн, учреждениеöн найöс примитöм да обработайтöм;

4) öтувъя, сы лыдын öтчукöра, закупкаяс нуöдöм;

5) öнiя оланпастэчас серти закупкаяс планируйтöм, закупкаяс збыльмöдöм да контрактъяс (договоръяс) олöмö пöртöм бöрся мониторинг, аудит да контроль нуöдöм;

6) закупкаяс планируйтöм да збыльмöдöм, контрактъяс олöмö пöртöмсö пыртöмөн;

7) закупкаяс йылысь öтчётной формаяс да документъяс лöсьöдöм;

8) Коми Республикалöн могъяс вылö 44-ФЗ №-а Оланпас серти закупкаяслысь реестр лöсьöдöм (кыз поставщикöс (пöдрадчикöс, збыльмöдысьöс) конкурентной ногъясöн индöм öтсöгөн, сiдз жö и öти поставщиклöн (пöдрадчиклöн, збыльмöдысьлöн) закупкаяс öтсöгөн).

6. Системаын эмöсь ас объектъяса да могъяса татшöм системаувъяс, кутшöмъясöс öтувтöмаöсь мыччöдъяс видзан öти местаөн:

1) Закупкаясöн веськöдлан системауав;

2) «Ичöt закупкаяс» системауав, сы лыдын закупкаяслöн дiнму сайт;

3) Контрактъяслысь (договоръяслысь) реестр лöсьöдан да нуöдан системауав;

4) Ортсыса системаяскöд öтувтан системауав;

5) Документъяслысь öтчётносът да генерация лöсьöдан системауав;

6) Вöдитчысьяслысь уджъяссö планируйтан да котыртан системауав;

7) Администрируйтан системауав;

8) Нормативно-справочной юöрлöн системауав.

3. Системаö пырöдчысьяс

7. Системаö медшöр пырöдчысьясöн лöоны:

1) Системаса оператор;

2) Системаса технической оператор;

3) Системаөн вöдитчысьяс.

8. Системаса оператор кывкутö Системаөн вöдитчысьяслы котыртöм да методика боксянь отсалöм, пыран инöдсö ладмöдöм, вöдитчысьясöс консультируйтöм да велöдöм, Системасö методология боксянь нуöдöм да Системаын обработайтан юөр дорйöм серти корöмьяс лöсьöдöм вöсна.

9. Системаса технической оператор кывкутö Системасö технической могмöдöм, сылөн дугдывтöг уджалöм (серверной да клиентской юкөньяс), Системаса мыччöдьяссö резервнöя копируйтöм, уджтасуловö выльмöдöмьяс пуктöм, Системалысь уджсö технической могмöдöм серти документьяс уджö пыртöм да найöс выльмöдöм, мукöд технической мог вöсна, кутшöмьясöс урчитöма тайö Положениеөн да Системаса технической операторлөн уджалан юкөннын примитöм мукöд инöда актөн.

10. Системаөн вöдитчысьясөн лооны Коми Республикаын канму да муниципальной заказчикьяс, кодьяс збыльмöдöны закупкаяссö 44-ФЗ №-а Оланпас серти.

11. Системаö став пырöдчысьяс кывкутö тайö Положениеö кутчысьöм вöсна, а сідзжö Системаөн вöдитчигөн босьтöм гуся юөр йöзöдöм вöсна.

12. Системаö пырöдчысьяс могмöдöны:

1) Системаөн вöдитчан юалöмьяс серти инöда актьясö кутчысьöмсö;

2) Системаö пыртöм юөрлысь тырвыйöлунсö, выльлунсö, збыльлунсö да сійöс дорйöмсö;

3) Системаөн обработайтан торья сикас юөрөн вöдитчыны позянлунсö дзескöдöм серти Россия Федерацияса оланпастэчасөн урчитöм корöмьясö, этша йöзлы вöдитчыны позяна юөр дорйöм йылысь корöмьясö кутчысьöмсö.

13. Системаөн вöдитчигөн став пырöдчысьлы оз позь:

1) пыртны Системаö абу збыль юөр;

2) сетны пыран инöдсö бокöвöй йöзлы, кодьяслөн абу инöдыс пырны Системаö;

3) вöчны вöчöмторьяс, кутшöмьяс торкöны Системалысь зумыд уджсö, чинтöны Системалысь юөр боксянь видзчысянлунлысь зумыдлунсö, да мукöд деструктивной вöчöмтор.

14. Системаөн вöдитчысьлы тöдмөгьяссö сетöны ыждаын, мый лöсялö Системаö пырöдчысьлөн рольлы.

15. Системаö пырöдчысьяслысь уджмогьяссö опишитöмыс эм тайö Положение дорö содтöдын.

4. Системаö пыртöм тöдмөгьясөн вöдитчыны позянлун сетан пöрадок да индöм тöдмөгьяс дорйöмсö могмöдöм

16. Системаын тöдмөгьясөн вöдитчöмсö збыльмöдöны Системаö пырöдчысьяслысь уджмогьяссö опишитöм серти (тайö Положение дорö содтöд) идентификация да авторизация средствоясөн вöдитчöмөн.

17. Системалөн юөртан ресурсьясыс найос артмөдан тшупөд да ног вылө видзөдтөг лооны канму юөртан ресурсьясөн. Индөм ресурсьяссө чукөртөны, обработайтөны, чөжөны, видзөны да сетөны гусялунө, өтторьялунө да вөдитчыны позянлунө кутчысян условиеяс вылын.

18. Дорьян юөр, мый эм Системаын, обработайтан пөрадоксө ладмөдөны Россия Федерацияса оланпастэчасөн.

19. Системаөн вөдитчыны позянлунсө босьтөм могысь Системаса технической оператор да Системаөн вөдитчысь костын Системаса операторкөд сөгласуйтөм бөрын кырымавсьө Система дорө йитчөм йылысь артмөдчөм (водзө – Артмөдчөм).

20. Артмөдчөм кырымалөм бөрын Системаөн вөдитчысяс сетөны Системаөн вөдитчысьлөн автоматизируйтөм уджалан местаяс дорө, юөр дорьян средствояс дорө, юөр дорйөм серти котыртан-веськөдлан документьяс дорө корөмьяс збыльмөдөм йылысь справка.

21. Системаса технической оператор сетө вөдитчысьлы Системаөн вөдитчан инөдсө ролевөй модель серти, мый эм Системаын, учётнөй запись босьтөм вылө заявкасө Системаса операторкөд сөгласуйтөм бөрын.

22. Системаөн вөдитчысяслысь уджалысьяссө Системаын авторизуйтөм могысь вөдитчөны «логин-пароль» параөн, кутшөмөс босьтөм вылө Системаөн вөдитчысяслы колө ыстыны Системаса операторлы Артмөдчөм серти запрос.

Закупкаяс юкӧнын Коми Республикаса
канму юӧртан система йылысь
положение дорӧ
СОДТӦД

Системаӧ пырӧдчысьяслысь уджмогьяссӧ опишитӧм

Системаӧ пырӧдчысьяслӧн роль	Системаӧ пырӧдчысьяслӧн уджмогьяс
Системаса оператор	<ol style="list-style-type: none"> 1) индӧ Система дорӧ йитчан пӧрадоксӧ; 2) дасьтӧ да вынсьӧдӧ Системаӧ пыран матрицасӧ; 3) дасьтӧ да вынсьӧдӧ Система дорӧ йитчӧм да сӧни уджавны велӧдчӧм вылӧ заявка формаяссӧ; 4) веськӧдлӧ Системаӧ пыран тшупӧдӧн (йитӧ, дугӧдӧ вӧдитчысьясӧс, индӧ инӧдьяс) вынсьӧдӧм пыран матрица серти; 5) планируйтӧ Система сӧвмӧдӧмсӧ (ӧньяӧдӧмсӧ); 6) лӧсьӧдӧ Система сӧвмӧдӧм (ӧньяӧдӧм) серти корӧмьяссӧ (функциональнӧй корӧмьяссӧ); 7) лӧсьӧдӧ Системаӧ пыртӧм юӧр дорйӧм серти корӧмьяс; 8) сетӧ Системаса технической операторлы Система сӧвмӧдӧм (ӧньяӧдӧм) серти функциональнӧй корӧмьяссӧ сийӧс бурмӧдӧм могысь; 9) котыртӧм да методика боксянь отсалӧ вӧдитчысьяслы пыртны Системаӧ юӧрсӧ да вӧдитчыны сылӧн функциональнӧй модульясӧн; 10) велӧдӧ вӧдитчысьясӧс уджавны Системаын; 11) котыртӧ Системаса справочникьясӧ да классификаторьясӧ юӧр пыртӧмсӧ да найӧс выльмӧдӧмсӧ (справочникьяс да классификаторьяс кындзи, кытчӧ юӧрсӧ пыртӧны автоматизируйтӧм режимын мукӧд юӧртан системакӧд ӧтвывтӧмӧн); 12) примитӧ компетенция серти нормативнӧй инӧда актьяс, кутшӧмьяс ладмӧдӧны Система лӧсьӧдӧм да сийӧс уджӧдӧм серти юалӧмьяссӧ; 13) сетӧ Системаӧн вӧдитчысьяслы методология да методика боксянь отсӧг (консультируйтӧ Системаын уджалӧм, сорсьӧмӧн пыртӧм юӧр веськӧдӧм да мукӧдтор серти).
Системаса технической оператор	<ol style="list-style-type: none"> 1) могмӧдӧ Система системнӧя администрируйтӧмсӧ; 2) могмӧдӧ Системалысь технической уджалӧмсӧ да сийӧс технической уджӧдӧмсӧ; 3) урчитӧм пӧрадокын сетӧ позянлун вӧдитчыны

	<p>Системао пыртөм юөрөн;</p> <p>4) сетө операторлы Система бурмөдөм серти вөзйөмьяс;</p> <p>5) юөртө Системаын эрдөдөм тырмытөмторьяс йылысь да сетө найөс бырөдөм серти вөзйөмьяс;</p> <p>6) могмөдө Системаса технической операторлысь мыччөдьяссө обработайтан шөринын Системалысь юөр боксянь колана видзчысянлун тшупөдсө, Системаын видзан юөр, сы лыдын аспасьяс, дорйөмсө;</p> <p>7) технической могмөдө Системасө (Система пунктөм, ладмөдөм да выльмөдөм);</p> <p>8) могмөдө Системао пыртөм юөр резервнөя копируйтөсө;</p> <p>9) могмөдө Системаын обработайтан мыччөдьяслысь өтторьялунсө;</p> <p>10) могмөдө Системалысь дугдывтөг уджалөмсө, медым вөлі позянлун пыр сэтчө пырны;</p> <p>11) могмөдө Системасө сервернөй оборудованиеын программнөй комплексын торксөмьяс дырйи өдйө вылысь лөсьөдөмсө;</p> <p>12) выльмөдө Системалысь уджсө технической могмөдөм серти документьяссө (вөдитчысьлөн руководство, системнөй администраторлөн руководство, операторлөн руководство);</p> <p>13) индөм функциональнөй корөмьяссө төд вылө босьтөмөн индө Система дорө технической корөмьяссө.</p>
<p>Системаөн вөдитчысьяс</p>	<p>1) уджалөны Системаын мыччөдьясөн, документьясөн да могьясөн Системаса операторөн урчитөм пыран тшупөд серти;</p> <p>2) могмөдөны юөр дорьян сертифицируйтөм средствоясөн вөдитчөмсө;</p> <p>3) пөртөны олөмө Системаса операторлысь да Системаса технической операторлысь автоматизируйтөм уджалан местаяс дорө, кутшөмьясөс йитөны Система дорө, да Системао пыртөм юөр дорйөм дорө корөмьяссө Система дорө йитчөм йылысь артмөдчөм серти;</p> <p>4) ыстөны Системаса операторлы Системалысь уджсө помөдз вайөдөм да сөвмөдөм серти вөзйөмьяс;</p> <p>5) Системаөн вөдитчөмөн збыльмөдөны закупкаяс планируйтөмсө, котыртөмсө, олөмө пөртөмсө да контрольсө;</p>

- | | |
|--|--|
| | <p>6) могмөдөны Системао пыртан юөрлысь збыльлунсө да сійөс выльмөдөмсө;</p> <p>7) могмөдөны учётной гижөдьяс да пыран парольяс йылысь төдмөгьяс видзөмсө (оз позь сетны бокөвөй йөзлы Системао пыран инөдьяссө);</p> <p>8) дзик пыр юөртөны Системаса операторлы да Системаса технической операторлы сы йылысь, мый эрдөдөма дорьян юөрсө бокөвөй йөзлы сетөмсө, сійөс паськөдөмсө либө йөзөдөмсө;</p> <p>9) оз вөчны вөчөмторьяс, кутшөмьяс вөсна вермас торксьыны Системалөн өтторьялуныс да сыөн вөдитчыны позянлуныс, а сіджө дзик пыр юөртөны Системаса операторлы сы йылысь, мый налы лоис төдса сійө, мый бокөвөй йөз көсйөны вөчны вөчөмторьяс, кутшөмьяс вөсна вермас торксьыны Системалөн өтторьялуныс да сыөн вөдитчыны позянлуныс;</p> <p>10) кутчысьөны аспаслөн гусялунө да сы боксянь видзчысянлунө найөс обработайтгөн.</p> |
|--|--|